

ԱՐԾՐՈՒՆՅԱՑ ԱՐՏԱԳԱՂԹԻ ՄԱՍԻՆ

Վ. Կ. ԻՍԿԱՆՅԱՆ

Արծրունյաց արտագաղթը Վասպուրականից Բյուզանդիա հանդիսացել է արտակարգ իրադարձություն հայ ժողովրդի պատմական կյանքում: Այդ մասին քիչ չի խոսվել ուսումնասիրություններում: Պատմագրության մեջ, սակայն, վերջնականապես ճշգրտված չէ Արծրունյաց արտագաղթի տարեթիվը, միակողմանի ու թերի են լուսաբանված նրա զրդապատճառները: Հենց այս հարցերն են, որ քննարկման առարկա ենք դարձնում սույն հոդվածում:

Պատմաբանների մի մասը երկրից Արծրունիների հեռանալու պատճառ համարել է թուրքերի հարձակումը՝ Վասպուրականի վրա արևելքից, իսկ մյուս մասը՝ բյուզանդական էքսպանսիան: Նախօրոք նշենք, որ այդ կարևոր խընդիրը միակողմանի է քննարկվել ու զնահատվել երկու դեպքում էլ: Արծրունյաց արտագաղթն ու թագավորության ոչնչացումը Վասպուրականում պայմանավորել են ինչպես տարտաքին, այնպես էլ ներքին քաղաքական պայմանները:

Ինչու Գաղիկ Արծրունու թագավորության ժամանակ, X դարի 30-ական թթ. ղեկիկները, որոնք քիչ առաջ իրենց իշխանությունն էին կազմակերպել Ատրպատականում, ներխուժում են Վասպուրական, բայց Անձևացյաց զավառում պարտություն են կրում և նահանջում: Արծրունյաց թագավորությունը, սակայն, հետագա շրջանում միշտ գտնվում է նրանց հարձակման սպառնալիքի տակ:

Ատրպատականի էմիր Աբլահաճի որդի Մամլան, ըստ Մատթեոս Ռուհայեռու և Սմբատ Սպարապետի՝ 983 թ., ըստ Ասողիկի՝ մոտ 996 թ., մեծ զորքով ներխուժում է Հայաստան, հավանաբար Վասպուրականի վրայով, և հասնում Ապահունիք, Մուղկոտն ու Բաղրևանդ զավառները, սակայն հայ-վրացական միացյալ զորքից պարտություն է կրում ու նահանջում¹:

998 թ. նույն էմիր Մամլանը իր այդ կրած պարտության վրեժն առնելու նպատակով «...Ելևալ ի Թաւրիղոյ ի քաղաքէն իւրմէ ի սահմանս Հերայ ծանր ամբռնիւ, լայն բանակաւ՝ անցանէ ընդ աշխարհն Վասպուրականի, զայ իջանէ

¹ Մ. Չամչյան, Պատմութիւն Հայոց, հատ. Բ, էջ 901—903: Edouard de Muralt, Essai de chronographie Byzantine, Pétersbourg, 1855, էջ 688: Г. Филиппе, История Византийской и Греческой империи, книга вторая, Москва, 1878, էջ 344: Ն. Մանանդյան, Հայաստանի պատմությունը թուրք-թաթարական արշավանքների շրջանում (ձեռագրի իրավունքով), Երևան, 1922, էջ 16 և հտ.:

² Լեո, Հայոց պատմություն, հատ. Բ, Երևան, 1947, էջ 653: N. Adontz, Les Taronites en Arménie et a Byzance, „Byzantion“, t. X, fasc. 2, Bruxelles, 1935, էջ 542 և հտ.:

³ Ստեփանոս Ասողիկ, Պատմութիւն Տիեզերական, Պետերբուրգ, 1895, էջ 266—267. Մատթեոս Ռուհայեռի, Ժամանակագրութիւն, Վաղարշապատ, 1898, էջ 34—37. Սմբատ Սպարապետ, Պատմութիւն Յունաց ի Կոստանդնուպոլիս և Հայոց մեծաց ըստ կարգի ժամանակաց, Մոսկվա, 1856, էջ 21—22:

ի գաւառն Ապահունեաց»։ Մամլանի հայ-վրացական միացյալ ուժերից նոր ծանր պարտութիւն կրելով հեռանում է Ատրպատական։ Չնայած դրան, Ատրպատականի կողմից մուսուլմանական էմիրների հարձակումները Վասպուրականի վրա չեն դադարում։

Սամվել Անեցին Մամլանի ջախջախումը Ապահունիքում դնում է 1000 թ. և այն վերագրում է հոռոմներին (բյուզանդացիներին)՝

Թուրքական զորքերը թե՛ ներխուժման և թե՛ նահանջի ժամանակ անխնա կողոպտելու հրի ու սրի են մատնել Վասպուրականը, աղետալի ու օրհասական վիճակ ստեղծելով նրա բնակչության համար։ Արծրունիները, չկարողանալով սեփական զինվորական ուժերով ապահովել երկրի սահմանների անվտանգությունը, ինչպես կտեսնենք, դիմում են Բյուզանդիայի օգնությանը, որը դադարեցնում է սահմանամերձ էմիրների բռնությունները Վասպուրականի վրա։ Բայց դա երկար չի տևում։

Սամվել Անեցին հաղորդում է երկու տարի անց Վասպուրական կատարված նոր ներխուժման մասին։ ՌԻԴ. (=1002 թ.) իրին ազգն թուրքաց և ավերեցին զգաւառն Վասպուրականի. և յոյժ նեղեալ լինէր թագաւորն նոցա Սենեքարիմ։ Վասն որոյ լետ ԻԲ. ամի նեղութեան՝ ևս զաշխարհն իւրի Վասիլ թաւաւորն ի նշ. թվինս՝

Ժամանակակից և հետագա շրջանի շատ աղբյուրներ հաղորդում են թուրքերի՝ Վասպուրականի վրա կատարած հաճախակի հարձակումների մասին, առանց նշելու տարեթվերի։

Մի շարք աղբյուրներ վկայում են 1016 կամ 1018 թթ. Վասպուրականի վրա թուրքերի ձեռնարկած արշավանքի մասին՝

Պատմիչները տարբեր անուններով են հիշատակում արևելքից Արծրունյաց թագավորությանը սպառնացող հրոսակները։ Վասպուրականի վրա, նրանց

⁴ Ա ս ո գ ի կ, էջ 410։

⁵ Ս ա մ ու լ Ա ն ե ճ ի, Հաւաքմունք ի գրոց պատմագրաց, Վաղարշապատ, 1893, էջ 104։

⁶ Նույն տեղում։

⁷ Ա Ր Ի Ս Տ Ո Ւ Կ Ե Ս Լ Ե Մ Ս Ի Վ Ե Ր Ա Ս Ե Յ Ի, Պատմութիւն, ԹԿՖԻՍ, 1912, էջ 29։ Թ ո Վ մ ա Ա Ր Ժ Ր Ո Ւ Ն Ի, Պատմութիւն Տանն Արծրունեաց, ԹԿՖԻՍ, 1917, էջ 496—497։ «Գրիգոր Ակոռեցու իշխտակարանք» (տե՛ս Գարեգին Ա կաթողիկոս, Յիշատակարանք ձեռագրաց, հատ. Ա, Ան-թիլիս, 1951, էջ 48) և այլն։

⁸ Georgi Cedreni, «Compendium Historiarum. Corpus scriptorum historiae Byzantinae, t. II, Bonnae, 1839, էջ 464. Մ. Ուռհայեցի, էջ 46։ Ս մ ր ա տ, էջ 26։ «Անանու ժամանակագրություն», Երևան, 1940, էջ 6։ Գ Ր Ի Գ Ր Կ ա մ ս ի ե ճ ի կ ա մ Գ ա ր ա ն ա զ ճ ի, Ժամանակագրութիւն, Երուսաղեմ, 1215, էջ 3։ Կ ի ր ա կ ո ս վ ա ր զ ա պ և տ (տե՛ս Գարեգին Ա կաթողիկոս, Յիշատակարանք ձեռագրաց, հատ. Ա, էջ 205—206)։ Մ. Ուռհայեցու ժամանակագրության հնագույն ձեռագրում, որը հիմք է հանդիսացել Վաղարշապատի հրատարակության համար, թուրքերի հարձակումը նշված է նկն (=1016) թվականին, իսկ մի շարք այլ ձեռագրերում, որոնց հիման վրա լույս է տեսել Երուսաղեմի հրատարակությունը, նշված է նկէ (=1018) (տե՛ս նույն տեղում)։ Սմբատ Սպարապետը, որը այդ ժամանակի իրադարձությունները շարադրելիս հիմնականում հետևել է ուրիշ օրինակել Մ. Ուռհայեցուն, թուրքերի հարձակումը դնում է նկն (=1016) թ. ենթադրվում է, որ Մ. Ուռհայեցու նախնական ընտելում աղած և տարր հետո փոխվել է է-իւ Ուշ շրջանի մի շարք գրողների մոտ թուրքերի այդ հարձակումը դրված է 1018 թ.։ Պատմարաններից ոմանք, առանց մատնացույց անելու աղբյուրը, նշում են Վասպուրականի վրա 1019 (Լ և ո, Հայոց պատմություն, հատ. Բ, էջ 651, 653) և 1021 թթ. (Ն. Դ ու Ր յ ա ն, Ազգային պատմութիւն, Երուսաղեմ, 1934, էջ 373) թուրքերի արշավանքի մասին։

ասելով, հարձակվել են «ի պարսից», «թուրք», «աղղն թուրքաց», «յաղղէն իսմայելի», «մերձաբնակ հաղարացիներից», «մուղալ»⁹:

Հայ պատմիչները, մանավանդ Թովմա Արծրունու Պատմության շարունակողն ու Մատթեոս Ուռհայեցին, մոայլ գույներով են նկարագրում թուրքերի ներխուժումը Վասպուրականի ու հաղորդում, որ այդ հարձակումը միանգամայն հուսահատական աղղեցություն է թողել Արծրունիների վրա:

Մատթեոս Ուռհայեցու ասելով, «Ընդ աուրսն ընդ այնոսիկ զօրածողով լինէին խուժադուժ աղղն անօրինացն». «զարթեցաւ վիշապն մահաշունչ հանդերձ մահաբեր հրով», «օձք թեւաւորք հասին և կամին ցոլանալ ընդ ամենայն աշխարհս հաւատացելոցս Քրիստոսի»¹⁰, Բսկ Թովմա Արծրունու պատմության շարունակողի վկայությամբ, այդ թուրք հրոսակները «տիրեցին աշխարհի ի ծովէն արևելից մինչև ցծովն արևմտից, և ոչ մնաց ի նոցանէ մինչև ցբարանձաւ Ռի որ ոչ մատնեաց Աստուած ի ձեռս նոցա. և նոքա ունելով զբնութիւն արիւնարբու դադանի. զի են աղգր ահաւոր տեսլեամբ, զի տեսիլ զիմաց նոցա զարհուրեցուցանէ զտեսողսն և ահաբեկ առնէ»¹¹:

Վասպուրականի վրա թուրքերի հարձակման մասին Թովմա Արծրունու պատմության շարունակողի տեղեկությունը, ինչպես իրավացիորեն նկատել են, անշուշտ չափազանցված վկայություն է¹²: Նույնը նկատվում է նաև Մատթեոս Ուռհայեցու մոտ:

Իրոք, դժվար չէ կոահել, որ պատմիչները, ինչպես այդ պարզ զգացվում է նրանց վերոհիշյալ տեղեկությունից, թուրքերի այդ հարձակումը նկարագրում են հետագայում տեղի ունեցած թուրք-սելջուկյան հրոսակների ամայացուցիչ արշավանքների ու նրանց զործած ահավոր սրածության — ավերածությունների տպավորությունների տակ: Ըվ, զժբախտաբար, շատ ուսումնասիրողներ սխալմամբ թուրքերի այդ ներխուժումը Վասպուրականի նույնացրել են սելջուկյան արշավանքների հետ¹³: Մինչդեռ աղբյուրներում ոչ մի փաստ չկա 1016—1018 կամ 1021 թթ. Վասպուրականի վրա սելջուկների որևէ հարձակման մասին: Ուշ շրջանի հայ պատմիչները, նրանց հետևող շատ ուսումնասիրողներ սխալվում են, երբ Արծրունյաց թագավորության հետագա ամբողջ բախտը սովորաբար բացատրում են թուրքերի միայն վերոհիշյալ արշավանքով: Միանգամայն հասկանալի է, որ ֆեոդալական մասնատված Հայաստան-

9 Ա. Լաստիվերտցի, էջ 20: Վարդան Արևելցի (տես Վարդան Բարձրբերդցի, Պատմություն Տիեզերական, Մոսկվա, 1861), էջ 125: Կիրակոս վարդապետ (տես Գարեգին Ա կաթողիկոս, Յիշատակարանք ձեռագրաց, հատ. Ա), էջ 205—206: Ի. Արծրունի, էջ 497: Մ. Ուռհայեցի, էջ 17: Դ. Անճցի, էջ 104: «Անանուն ժամանակագրություն», էջ 6: Գրիգոր Կամախեցի, էջ 3: Գրիգոր Ակոռեցու հիշատակարանը (տես Գարեգին Ա կաթողիկոս, Յիշատակարանք ձեռագրաց, հատ. Ա, էջ 243): Cedreni, t. II, էջ 464: Սմբատ, էջ 27:

10 Մ. Ուռհայեցի, էջ 46—47:

11 Թ. Արծրունի, էջ 497:

12 Հ. Մանանդյան, Փննական տեսություն հայ ժողովրդի պատմության, հատ. Գ, Երևան, 1952, էջ 34:

13 M. J. Saint-Martin, Mémoires historiques et géographiques sur l'Arménie, t. I, Paris, 1818, էջ 368: Հ. Գեղեցիկ, Համառոտություն բյուզանդական կայսրների պատմության, Վաղարշապատ, 1901, էջ 262—263: G. Schlumberger, L'Épopée Byzantine à la fin du dixième siècle, t. II, էջ 436, 301, t. III, էջ 35: Charles Diehl, Histoire Générale, t. III, Paris, 1941, էջ 481—482: Մ. Օրմանյան, Ազգապատում, Պոլիս, 1912, էջ 1197 և հա.

նում չկար ուժերի համախմբվածություն արտաքին թշնամու դեմ: Սակայն թուրքերի նշված հարձակումը պետք է տարբերել բուն թուրք-սելջուկյան այն արշավանքներից, որոնք Հայաստանի դեմ սկսվել են ավելի ուշ, 1048 թ.: Վասպուրականի դեմ 1016—1018 թթ. հարձակումը, ինչպես այժմ պարզվել է, չետք է վերագրել պարսկական հարևան իշխանություններ, որի հարձակվող զորքի մեջ թուրքերը հավանաբար ծառայել են որպես վարձկան հեծելազորք, որ այդ ժամանակ խիստ տարածված էր պարսկա-արաբական իշխանություններում¹⁴:

1021 թ. թուրքերը, Վարդան Արևելցու վկայությամբ, արշավանք են ձեռնարկում Դվինի ուղղությամբ, որի ժամանակ սպանվում է քաջ զորավար Վասակ Պահլավունին¹⁵: Մարմաշենի 1029 թ. արձանագրությունն այդ բնդհարումն անվանում է «թուրքաց պատերազմ»¹⁶: Այս արշավանքը ձեռնարկել են Հայաստանի հարևան զեմիկները, որոնց զորքի մեջ ևս, հավանաբար, նդել են թուրք վարձկաններ: Թե որքանով է այդ հարձակումը շոշափել նաև Վասպուրականը՝ մեզ հայտնի չէ, բայց նա չէր կարող իր ազդեցությունը գործած չլինել Արծրունյաց թագավորության վրա և շարագացնել արտագաղթը:

Սխալ կրիներ կարծել, թե Արծրունիների արտագաղթը տեղի է ունեցել սոսկ թուրքերի հարձակման սպառնալիքի հետևանքով: Այդ տեսակետից հայ պատմիչների մոտ էլ տեղեկությունները միակողմանի են, երբ նրանք Վասպուրականից Արծրունիների հեռանալու միակ զրդպատճառը սովորաբար համարում են արևելքից կատարվող թուրքերի հարձակումը, աչքաթող անելով բյուզանդական ազդեցության զարգացումը արևմուտքից: Ավելին, նրանք կայսրությունը համարել են մի պետություն, որն իրր թե ամեն կերպ շահագրգռված է եղել արտաքին թշնամիների դեմ հայկական իշխանությունների պաշտպանությամբ: Այդ տեսակետից ուշագրավ է մանավանդ Թովմա Արծրունու պատմության շարունակողի վկայությունը: Այս պատմիչի ասելով, թուրքերի հարձակման ժամանակ Սենեքերիմ թագավորին օգնության ոչ մի հույս չկար իրր «...բաց ի տեառնէ, և օգնականութիւն տեառնէ ի թիկունս արքային Յունաց, և յայնժամ ունէր զկայսերական իշխանութիւնն զաստուածապահ քաղաքին զԿոստանդնուպօլսի, այր ոմն աստուածասէր և բարեպաշտ Վասիլ անուն կոչեցեալ. և ոչ էին ձեռնհաս թագաւորն Յունաց ի վերայ աշխարհին Հայոց, այլ ինքեանք կամաւ ունէին զտէրութիւնս զաւառաց իւրաքանչիւր ոք, և ոչ ժուժէին յարձակման այլազգեաց: Յայնժամ իրրև որդի առ հայր դիմեցին մնացորդը տանն Թորգոմայ առ թագաւորն Յունաց. և նորա լցեալ աստուածային սիրով՝ զթացան յաղաչանս որդւոցն, և կոչեցեալ առ իւրեանս յիւրաքանչիւր զաւառաց՝ և տային պարգևս, և կարգեցին ի զուռն արքունի և տային փոխանակ քաղաքացն քաղաքս մեծամեծս և փոխանակ բերդիցն բերդս անմատոյցս և զաւառս և զեօդս և ազարակս և սուրբ մենաստանս»¹⁷:

Հայ պատմիչի եկեղեցական խախուտ դիրքերից բխող այս վկայությունը անբնդունելի է: Հայտնի է, որ Արծրունիները բնդարձակ Վասպուրականի փոխարեն բյուզանդիայում ստացել են սահմանափակ տիրություններ Սևրաստիոս

14 Չ. Մասանդյան, Հայաստանի պատմությունը թուրք-թաթարական արշավանքների շրջանում, էջ 37. տե՛ս նաև նույնի՝ Քննական տեսություն հայ ժողովրդի պատմության, հատ. Գ, էջ 37—39:

15 Վարդան Արևելցի, էջ 131:

16 Կ. Կոստանյանց, Վիմական տարեգիր, Պետերբուրգ, 1913, էջ 16:

17 Թովմա Արծրունի, էջ 499—500:

կենտրոնով, իսկ փոխանակությունը, ինչպես կտեսնենք, ամենևին էլ չի հանդիսացել ռուսական ժողովրդի համար: Աղբյուրներում եղած փաստերը, ընդհանրապես, բացահայտում են X—XI դարերում ղեկավարական շրջանում նաև ղեկավարական զարգացող բյուզանդական էքսպանսիան, որին կուլ են գնում ու ոչնչանում հայկական ֆեոդալական իշխանությունները, այդ թվում նաև Արժույթի արտադրողները:

IX դարի վերջին քառորդին բյուզանդական բանակը, օգտվելով Բաղդադի խալիֆայի թուլացումից, ճեղքում է նրա ամրացրած ռազմագիծը արևելքում և նվաճում նաև Բարձր Շաքի գավառները: X դարի առաջին կեսին կայսրությունը հաղթականորեն շարունակում է իր հետագա առաջխաղացումը Հայաստանում: Բյուզանդիան, օգտվելով Տարոնի վերջին իշխան Կյուրոպաղատ Աշոտ Բագրատունու մահից, 966—967 թթ. գավթում է Տարոնը: Կայսրությունը այնուհետև ընդլայնում է իր նվաճումները Վանա լճի հյուսիսում՝ Վասպուրականի ուղղությամբ:

968 թ. բյուզանդական բանակը Տարոնից անցնելով Ապահունք գավառը, դավաճում է Մանազկերտ քաղաքը¹⁸: Վերջապես, Վասիլ Բ կայսրը (976—1025) 1000 թ. գրավում է Տաթևի իշխան, անգամակ Դավիթ Կյուրոպաղատի տիրությունները: Բյուզանդիային են միացվում Տաթևը և վերջինիս ենթակա Բասենը, Հարթը և Ապահունքը¹⁹: Չնայած Բերկով Ապահունքը, կայսրությունը սահմանակից է դառնում Արժույթի արտադրողներին, ձգտելով գրավել նաև Վասպուրականը:

Կայսրության կողմից Արժույթի արտադրողի ոչնչացումը տարբեր կերպ է մեկնաբանվել: Վասպուրականի գրավումը, կեռի ասելով, բյուզանդական զորքերի նվաճողական կցման ձև է ընդունել, որովհետև Վասիլ Բ կայսրը ռազմական հարաբերություններ ուներ Սենեքերիմի հետ և չէր ուզում էր իր հայկական ծագումը²⁰:

Բյուզանդիան, այլ պատմաբանի կարծիքով, ընդհանրապես, 1000 թ. բանակով սպառնում է Վասպուրականին, բայց Բագրատունյաց և Արժույթի արտադրողների միացյալ ուժերի զորեղ դիմադրությունը կանգնեցնում է նրա հետագա առաջխաղացումը: Այնուամենայնիվ Սենեքերիմ թագավորը ներկայումս Բյուզանդիայի և Ատրպատականի կողմերից կատարվող արշավանքներից, ի վերջո, 1021 թ. ստիպված գաղթում է Բյուզանդիա²¹:

Նման մեկնաբանությունները, մեր կարծիքով, ճիշտ չեն: Արժույթի արտադրողի հեռացումից հետո, ինչպես կտեսնենք, Վասպուրականի անցումը կայսրությանը իրոք ընդունում է զորավոր նվաճողական կցման ձև: Բացի դրանից բոլոր կայսրները, այդ թվում նաև Վասիլ Բ-ն, իրենց նվաճողական քաղաքականությունը վարել են հիմք ընդունելով Բյուզանդիայի պետական շահերը և ոչ թե իրենց ազգային ծագումը: Վասպուրականի վրա բյուզանդական բանակի հարձակման կամ արշավանքի մասին մեզ հայտնի աղբյուրներում ոչ մի վկայություն չկա: Արժույթի արտադրողի և կայսրության միջև ռազմական ընդհարում չի եղել:

18 Ստ. Ասողիկ, էջ 183:

19 Ստ. Ասողիկ, էջ 192, 278: «Անանուն ժամանակագրություն», առաջաբանով և ծանոթագրություններով կազմեցին Հովհ. Մանվելյան, Հար. Արրահամյան, Երևան, 1940, էջ 6:

20 Լեոն, Հայոց պատմություն, հատ. Բ, էջ 654:

21 Հ. Զարուբյան, Հայաստանը IX—XI դարերում, Երևան, 1959, էջ 256—257:

Բյուզանդիան, ինչպես երևում է աղբյուրներից, Վասպուրականի թագավորության նկատմամբ իր էքսպանսիան առաջ է տարել շատ նուրբ ձևով։ Ռազմական մեծ ուժի հետ միասին խոշոր դեր է խաղացել նաև բյուզանդական փորձված ու նենդ դիվանագիտությունը։ Կայսրությունը օգտվել է արևելքում Վասպուրականի համար ստեղծված ծանր դրությունից, Արծրունիներին ենթարկել է իր ազդեցությանը սկսած X դարի վերջից։ Այդ ժամանակ նկատելիորեն ուժեղանում է բյուզանդական ազդեցությունը Արծրունյաց թագավորության վրա։ Երբ Վասիլ Բ կայսրը Տայքին տիրելու համար մեծ բանակով զալիս է Հայաստան «...և ինրն (Վասիլ Բ-ն—Վ. Խ.) երթեալ անցանէ ընդ Հարք և ընդ Մանազկերտ»²², այսինքն՝ Ապահունիք զավառը, ապա Նկեղյաց զավառի Հավաճիչ քաղաքից արևելք շարժվելիս, հավանաբար Վանանգի սահմանների մոտ, նրան են ներկայանում նաև Վասպուրականի՝ Բուրգեն և Սենեքերիմ Արծրունիները բազմաթիվ ֆեոդալների ուղեկցությամբ, կայսեր հետ վարելով բանակցություններ։

Արծրունիները, ինչպես տեսանք, այդ ժամանակ ունենալով համեմատաբար թույլ ռազմական ուժեր, նեղվում էին հարևան մուսուլմանական իշխանությունների հարձակումներից, մի հանգամանք, որը վարպետորեն օգտագործում է Բյուզանդիան։ Վասիլ Բ-ն իր պաշտպանության և հովանավորության տակ առնելով Վասպուրականը և իր մոտ եկած Արծրունի իշխաններին պատվելով արքունատուր նվերներով, այնուհետև, ասում է պատմիչը, «...հրովարտակ առաքեալ առ մերձաւոր ամիրայսն Տաճկաց, զի մի՛ մեղիցեն աշխարհին Վասպուրականի՝ զաղարեցոյց զառ և ռզերութիւն և զհարկապահանջ բռնութիւն»²³։ Մատթեոս Ուոհայեցին անշուշտ այդ հանգամանքն ի նկատի ունենալով է, որ հաղորդում է. «Իսկ յամի Նեթ (— 1000) թուականութեանս Հայոց եղև սէր և միարանութիւն մեծ ընդ թագաւորն Վասիլ և ընդ Սենեքարիմ արքայն Հայոց»²⁴։

Բյուզանդիան, այդպիսով, հայկական իշխանություններին, մանավանդ Արծրունիներին բացահայտ կերպով ցուցադրել էր իր ռազմական անվիճելի գերազանցությունը արևելքի մուսուլման էմիրությունների նկատմամբ և խիստ ուժեղացրել իր ազդեցությունը Վասպուրականի վրա։ Վասիլ Բ-ն այդ ժամանակ սկսել էր Արևմտյան Հայաստանից հայերին վերաբնակեցնել Բյուզանդիայի զանազան մասերում՝ երկրագործ ազատ գյուղացիության քանակը ստվարացնելու և ուժեղ բանակ կազմակերպելու նպատակով։ «Բագիլիոս (Վասիլ) Բ-ի ժամանակ,— դրու՞ է ալադ. Մանանդյանը,— արդեն Հայաստանում ես, ինչպես Բուլղարիայում և Վրաստանում, սկսվեց զործադրվել հարկակշռության տեղափոխումը Միջագետք ու Փոքր Ասիա, քաղաքական ու վարչական հատուկ նպատակներով»²⁵։ Կայսրությանը շուտով հաջողվում է իր այդ քաղաքականությունը իրագործել նաև Վասպուրականի թագավորության նկատմամբ։

²² Ա. Լաստիվերտցի, էջ 5։

²³ Ասոդիկ, էջ 277, 281։ Կայսրությունը, ինչպես կարծում են, կարող է պատահել, որ ինքը զաղտնի ռազմած լինի թուրք էմիրներին հարձակվելու Վասպուրականի վրա (Ս. Շալչյան, Վասպուրականի թագավորության պատմությունից, էջ 60, ծան. 1)։ Աղբյուրներում սակայն նման ենթադրության որևէ հիմք չկա։

²⁴ Մ. Ուոհայեցի, էջ 42. հմմտ. Սմբատ, էջ 24։

²⁵ Հ. Մանանդյան, Հայաստանի պատմությունը թուրք-թաթարական արշավանքների շրջանում, էջ 15—16։

որ Վասպուրականի բնակչությունը դեմ է եղել Արծրունիների կազմակերպած արտագաղթին և անմիջապես ազատագրական պայքար է մղել բյուզանդական վերահաս լծի դեմ: Այդ կարևոր փաստը միաժամանակ անվիճելիորեն հաստատում է, որ Վասպուրականի թագավորությունը ի վերջո զոհ է գնացել բյուզանդական էքսպանսիային: Պատահական չէ, որ Վասիլ Բ կայսրը 1022 թ. ճնշելով արխագ-վրացական ապստամբությունը, հենց Արծրունիների գաղթի տարում մեծ բանակով շարժվում է դեպի իր նոր սահմանազուխը, և, ինչպես ժամանակակից պատմիչն է վկայում, մուտք գործում Արծրունյաց գավառը³¹:

Սերաստիայի հետ Վասպուրականի փոխանակությունից և Բյուզանդիայում վերաբնակվելուց խիստ դժգոհ են եղել նաև Արծրունիները: Այդ երևում է հետևյալ փաստից. 1022 թ. զարնանը Փոքր Ասիայում բռնկում է նիկևիոր Մովսիսի ապստամբությունը Վասիլ Բ կայսեր դեմ: Սենեքերիմի որդի Դավիթ Արծրունին, վկայում է Ա. Լաստիվերտցին, «...յայնժամ ի խորհուրդ միաբան ապստամբացն էր, և հաւատարիմ առ նոսա»³², Դավիթը, Մատթևոս Ուռհայեցու ասելով, իր հայոց զորքով միանում է Մովսիսին, «Եւ Մովսիսն յոյժ սիրէր զԴավիթ և խոստանայր նստուցանել զնա յաթոռ թագաւորութեան Հայոց, բայց Դավիթ ոչ կամեցաւ լուծանել զգաշինս Վասիլին»³³: Մովսիսի ապստամբությունը ապագա շունն էր: Դավիթը, ի վերջո, լսում է կայսրին և գավաղորաբար սպանում Մովսիսին:

Այս բոլորից երևում է, որ Արծրունիների վերաբնակեցումը Բյուզանդիայում կրել է ոչ թե կամավոր, այլ հարկադիր բնույթ: Արծրունյաց արտագաղթը, իր հերթին, հանդիսացել է հետևանք երկրի ոչ միայն արտաքին, այլև ստեղծված ներքին աննպաստ քաղաքական պայմանների: Հայաստանում այդ ժամանակ իշխում էր ֆեոդալական մասնատվածությունը: Կոստանդին VII Ծիրանածինն իր «Բյուզանդական արքունիքի արարողությունների մասին» աշխատության մեջ բացի Բագրատունյաց թագավորից, որը կոչվում էր արքայից արքա, Հայաստանում թվում է նաև ինքն այլ հայկական ֆեոդալական վասալական իշխանություններ³⁴: Այդ բազմաթիվ անկախ իշխանությունների միջև չկար ուժերի համախմբվածություն արտաքին թշնամիների դեմ, նրանցից յուրաքանչյուրը հոգ էր տանում միայն իր սահմանների և իր ֆեոդալական նեղ շահերի պաշտպանության մասին: Ավելին. նրանք հաճախ միմյանց դեմ մղում էին պառակտիչ պատերազմներ: Նախարարական ներքին պառակտումները և արյունահեղ խռովությունները, ինչպես ճիշտ նկատում է ակադ. Հ. Մանանդյանը, նույնքան զորեղ էին Բագրատունյաց թագավորության շրջանում, ինչպես հայ Արշակունիների ժամանակ: Հայկական իշխանությունները արտաքին հարձակումներից պաշտպանվում էին մեծ մասամբ ամեն մեկը անջատ ու առանձին, որը բնականաբար շատ դժվար պիտի լիներ³⁵:

1020 թ. Անի-Շիրակ Բագրատունյաց իշխանության թագավոր Գագիկ Ա-ի մահից հետո նրա որդիների միջև մղվել էր զահակալական արյունահեղ պատերազմ: Վասպուրականի թագավոր Սենեքերիմ Արծրունին օգնական զորք

31 Ա. Լաստիվերտցի, էջ 26—27. հմմտ. Մ. Ուռհայեցի, էջ 51. Սմբատ, էջ 31:

32 Ա. Լաստիվերտցի, էջ 20:

33 Մ. Ուռհայեցի, էջ 51, հմմտ. Սմբատ, էջ 30:

34 Constantini Porphyrogen, De cerimontis aulae Byzantinae, Bonnae, 1829, էջ 687:

35 Հ. Մանանդյան, Հայաստանի պատմությունը թուրք-թաթարական արշավանքների շրջանում, էջ 7:

էր տվել Աշոտին եղբոր՝ Հովհաննես-Սմբատի դեմ պատերազմելու համար³⁶։ Սենեքերիմը դրանով ավելի էր բորբոքել զահակական երկպառակությունը Քաղրատունյաց թագավորության մեջ։ Մինչդեռ Անի-Շիրակ թագավորությունը, ինչպես կարծում են, եթե ներքին խռովություններով չզբաղվեր և օգներ Արծրունիներին, Վասպուրականի թագավորությունը կպահպաներ իր գոյությունը³⁷։ Դառնալով Անիի թագավոր, Հովհաննես-Սմբատը բնականաբար Սենեքերիմին համարում էր իր թշնամին։ Արծրունիներին չէին օգնում նաև հայկական մյուս իշխանությունները։ Սենեքերիմ թագավորը, ասում է պատմիչը, թուրքերի հարձակման ժամանակ «...ոչ գոյր այլ ուստեք օգնականութիւն բացի տեառնէ»³⁸։ Վասպուրականի թագավորությունը միայնակ իր վրա էր կրում արևելքից կատարվող թուրքերի ներխուժման հարվածները, իսկ արևմուտքից բյուզանդական էքսպանսիայի ճնշումը։ Ահա թե ինչու նա ի վերջո տեղի տվեց բյուզանդական էքսպանսիայի առաջ՝ փոխանակության հարցի շուրջ բանակցություններ սկսելով կայսրության հետ։

Անհրաժեշտ է սակայն տարբերել փոխանակության շուրջ կայսրության և Արծրունիների միջև տեղի ունեցած բանակցությունների ժամանակը բուն արտագաղթի տարեթվից։ Դրանք միաժամանակ տեղի չեն ունեցել։ Նախ բանակցության վայրի և տարեթվի մասին։

Որտե՞ղ են տեղի ունեցել փոխանակության բանակցությունները և համաձայնությունը։ Աղբյուրները բանակցությունների վայր նշում են Կոստանդնուպոլիսը։ Վասիլ կայսրը ուրախությամբ ընդունում է փոխանակության մասին Սենեքերիմի առաջարկը։ «Եւ առաքեաց,— ասում է Մ. Ուոհայեցին,— թագաւորն Վասիլ առ Սենեքերիմ առաքել առ նա զԴաւիթ թագաւորական ճոխութեամբ և առաքեաց զորդին իւր, ընդ նմին և որդիս ազատաց և զեպիսկոպոսն Տէր էղիշէ և բեռնակիր չորիս 3, բարձեալ զանձիւք և պէսպէս կազմութեամբ, և տաճիկ ձիս Ռ. և այսպիսի փառաւորութեամբ եմուտ Դաւիթ ի Կոստանդնուպոլիս՝ և զղղղեցաւ քաղաքն և ելին ամենեքեան ընդ առաջ նորա և զարդարեցին զփողոցս և զապարանս և զանձս բազումս ցանէին ի վերայ նորա։ Եւ յոյժ ուրախացաւ թագաւորն Վասիլ ընդ տեսիլն Դաւիթի և տարաւ զնա ի սուրբն Սոփի և արար զնա իւր որդեգիր և պատուէին զնա որպէս զորդի թագաւորի։ Եւ ետ նմա թագաւորն բազում պարգևս և դարձոյց զնա առ հայրն իւր և ետ նմա զՍեբաստիա բազում զաւառօք. և ելեալ Սենեքերիմ ամենայն ընտանեօք իւրովք և ռամկօք եկն ի Սեբաստիա և անտերացաւ աշխարհն Հայոց ի թագաւորաց և յիշխանաց։

Ի թուականութեանս Հայոց ՆՀ (1021) ելանէր Վասիլն յարեւելս անթիւ զօրօք և խնդրեաց ի թագաւորէն Հայոց զԱնի և զԿարս»³⁹։

Ավելի ուշագրավ է Սեբաստիայի շրջակայքի Դիվրիկի վանքի սրբերի մասնատուփի վրայի արձանագրությունը, որը հաղորդում է. «Յամի փրկչին 1021. Հայոց թվին ՆՀ. ամին Աստուածորնկալ սուրբ Նշանս այս ի ժամանակս Յունաց Վասիլ կայսերն Կոստանդնույ Դաւիթ որդին Սենեքերիմայ հրամանաւ հօրն բազում ընծայիւք զնաց առ Վասիլ կայսրն հանդերձ ծառայիւք, ջահանա-

36 Մ. Ուոհայեցի, էջ 7—8։ Սմբատ, էջ 7։

37 Հ. Հարությունյան, Հայաստանը IX—XI դարերում, Երևան, 1959, էջ 259։

38 Թ. Արծրունի, էջ 499։

39 Մ. Ուոհայեցի, էջ 49։ Նույնը տե՛ս նաև Սմբատ, էջ 28 և «Անանուն ժամանակագրություն», էջ 6։

յիւր և Ռշտունեաց էղիշէ եպիսկոպոսիւ. թէ զխորհուրդ Սենեքերիմ արքային ծանուցեն առ կայսրն. յորժամ հասին ի մեծն Պոլիս, կայսրն այն բազում սիրով ընկալաւ զնոսա և կատարեաց զխնդիր Սենեքերիմ արքային և ետ նմա հաստատուն նամակաւ զամենայն երկիրն Սեբաստիոյ հանդերձ ամենայն դատօր իւրովք մինչև ի զետն Եփրատայ»⁴⁰:

Աղբյուրների այս տեղեկությունները կասկած չեն թողնում, որ Վասպուրականի փոխանակության շուրջ բանակցությունները կայսրության հետ տեղի են ունեցել Կոստանդնուպոլսում 1021 թ., անշուշտ Վասիլ կայսեր արևելք պալուց առաջ:

Պատմական ուսումնասիրություններում որպես բանակցությունների վայր յովորաբար նշված է Կոստանդնուպոլիսը⁴¹:

Հայտնվել է սակայն նաև այլ տեսակետ: Ֆրանսիական հայտնի բյուզանդագետ Գ. Շլյումպերեն⁴², իսկ նրան հետևելով նաև Լեոն դտնում են, որ Վասպուրականի փոխանակության շուրջ թագաժառանգ Դավթի բանակցությունները կայսեր հետ տեղի են ունեցել ոչ թե Կոստանդնուպոլսում, այլ Տրապիզոնում: Պրոֆ. Լեոյի ասելով, Դավթ Արծրունին բանակցություններ վարելու համար չէր կարող Կոստանդնուպոլիս գնալ, քանի որ կայսրը այդ ժամանակ գտնվում էր Տրապիզոնում: Գահաժառանգի Կոստանդնուպոլիս գնալու տեղեկությունը առաջացել է իբր այն հանգամանքից, որ Տրապիզոնը Կոստանդնուպոլիս ճանապարհի վրա է և այստեղ էլ կա ս. Սոֆիայի անունով եկեղեցի⁴³:

Լեոյի այս մեկնաբանությունը, որին առաջ հետևել ենք նաև մենք⁴⁴, հիմնավորված և համոզիչ չէ: Ծիշտ չէ, թե քանի որ 1021 թ. Վասիլ կայսրը գտնվում էր արևելքում, Կոստանդնուպոլսում նրա հետ հանդիպումը հնարավոր չէր: Աղբյուրներում ամենևին էլ չի ասված, թե կայսրն առաջնորդ տարին գտնվել է արևելքում: Մատթեոս Ուռհայեցին, ընդհակառակը, ասում է, որ Վասիլ կայսրը հայոց Նշ (1021) թվականին զորքով գալով արևելք, հաղթում է արխագ-վրացական թագավոր Գեորգիին. «Եւ կացեալ Վասիլն անդ ամիսս Գ. մինչև հաւանեցոյց զնոսա և ի Տրապիզոն ձմերեաց»⁴⁵: Այս տեղեկությունից երևում է, որ Վասիլը արևելք է եկել աշնան սկզբին: Քիչ ավելի վաղ ժամանակի աղբյուրի վկայությամբ արխագ-վրացական զավառներում կազմակերպելով ապստամբների մեծ կոտորած, «կացեալ թագաւորն Վասիլ յայնմ աշխարհի ամիսս վեց և հաւանեցոյց զնոսա և ինքն դարձեալ ի Տրապիզոն ձմերեաց»⁴⁶: Նշանակում է, զրանից առաջ կայսրը կարող էր լինել Կոստանդնուպոլսում: Ճահյա Անտիոքացին ասում է, որ Վասիլը, իրեն հպատակեցնելով Բուլղարիան (1018 թ.), դալիս է Կոստանդնուպոլիս⁴⁷:

⁴⁰ Տե՛ս Գ. Սրվանձույան, Թրոս աղբար, մասն Ա, Կ. Պոլիս, 1979, էջ 34:

⁴¹ Մ. Զամչյան, Պատմութիւն Հայոց, հատ. Բ, էջ 903: Մ. Օրմանյան, Աղղապատում, Պոլիս, 1912, էջ 1197 և հտ.:

⁴² G. Schlumberger, L'Epopée Byzantine a la fin du dixième siècle, հատ. II, էջ 501:

⁴³ Լեո, Հայոց պատմություն, հատ. Բ, էջ 654—655:

⁴⁴ Տե՛ս «Գիտական աշխատությունների ժողովածու Խ. Արմվյանի անվան մանկ. ինստիտուտի», № 6, էջ 119—120:

⁴⁵ Մ. Ուռհայեցի, էջ 50: Նույնը տե՛ս Սմբատ, էջ 29:

⁴⁶ «Տեսիլ սր վարդապետին Յոհաննիսի՝ որ մականուն Կոզեռն կոչի»:

⁴⁷ Яхъя Антиохійскій, էջ 61:

Անրնդունելի է նաև Ս. Շալչյանի տեսակետը, թե զահաժառանգ Դավիթը Վասպուրականի փոխանակության համաձայնությունը Կոստանդնուպոլսում կայացրել է 1016 թ., իսկ արտագաղթը տեղի է ունեցել հինգ տարի հետո՝ 1021⁴⁸։

Գ. Շլյումպերեն օգտվել է XI դարի արաբ պատմիչ Յահյա Անտիոքացուց և հավանաբար հիշյալ տեսակետը հայտնելիս ի նկատի է առել նրա տեղեկությունը։ Սակայն այստեղ, ինչպես կտեսնենք ստորև, պարզ ասված է, որ երբ 1021 թ. Վասիլ կայսրը զավով արևելք մեծ դաժանություններ է գործադրում արխագ-վրացական ապստամբների դեմ ու ձմռանը զնում Տրապիզոն, այդ ժամանակ Արժրունիները իրենց տիրությունները զիջում են կայսրին, այսինքն՝ գաղթում են Բյուզանդիա։ Ոչ մի խոսք Տրապիզոնում Վասպուրականի փոխանակության շուրջ բանակցությունների մասին։

Այժմ արտագաղթի տարեթվի մասին։ Պատմագրության մեջ, ինչպես ասացինք, դեռևս ճշտված չէ Արժրունիների արտագաղթի տարեթիվը։ Պատմական ուսումնասիրություններում առ այսօր նշվել են արտագաղթի հիմնականում երեք տարբեր տարեթվեր՝ 1016⁴⁹, ավելի շատ 1021⁵⁰, և 1022⁵¹։

Ակադ. Հ. Մանանդյանը 1921 թ.⁵², այնուհետև 1943 թ.⁵³ հիմք բնդունելով XI դարի հույն պատմիչ Կեղրենոսի վկայությունը, գտնում էր, որ Արժրունիների արտագաղթը տեղի է ունեցել 1016 թ.։ Բազմավաստակ գիտնականը, սակայն, հետագայում հրաժարվեց իր այդ տեսակետից և, ընդհակառակը, վստահելի համարելով Թովմա Արժրունու Պատմության շարունակողի տեղեկություններ, հավանական համարեց 1021 թ.⁵⁴։

Ա. Ալպոյաճյանը Արժրունիների արտագաղթի տարեթիվ է նշում մերթ 1016, մերթ 1021 կամ 1016—1021 թթ.⁵⁵։

Ս. Շալչյանը իր «Վասպուրականի թագավորության պատմությունից» հոդվածում համեմատաբար հանգամանորեն քննարկելով նաև Արժրունիների արտագաղթի տարեթվի խնդիրը, ի վերջո, հենվում է Թովմա Արժրունու Պատմության շարունակողի և Դիվրիկի հիշատակարանի տեղեկությունների վրա և գտնում, որ արտագաղթը կատարվել է 1021 թ.⁵⁶։

Այս բոլորը հետևանք է այն բանի, որ հենց պատմիչների մոտ արտագաղթի վերաբերյալ կան տարբեր ու իրար հակասող հիշատակություններ։ Այն պատմաբանները, որոնք Արժրունիների արտագաղթի տարեթիվ են նշում

⁴⁸ Ս. Շալչյան, Վասպուրականի թագավորության պատմությունից, էջ 66։

⁴⁹ M. E. Muralt, Essai de chronographie Byzantine, Petersbourg, 1855, էջ 388, և այլն։

⁵⁰ Մ. Չամչյան, Պատմութիւն Հայոց, հատ. Բ, էջ 903։ M. J. Saint-Martin, Mémoires historiques et géographiques sur l'Arménie, Paris, 1818, էջ 368։ Մ. Օրմանյան, Աղգադատում, Պոլիս, 1912, էջ 1198 և այլն։

⁵¹ G. Schlumberger, L'Épopée Byzantine a la fin du dixième siècle հատ. II, էջ 507 և այլն։

⁵² Հ. Մանանդյան, Հայաստանի պատմությունը թուրք-թաթարական արշավանքների շրջանում, էջ 23—26։

⁵³ Գ. Манандян, Краткий обзор истории древней Армении, М., 1943, էջ 42։

⁵⁴ Հ. Մանանդյան, Վրնական տեսություն հայ ժողովրդի պատմության, հատ. Գ, Երևան, 1932, էջ 23, ծան. 5։

⁵⁵ Ա. Ալպոյաճյան, Պատմություն հայ կեսարիո, Գահիրե, 1937, էջ 338, 412, 421—422։

⁵⁶ ՆՍՍՏ ԳԱ «Տեղեկագիր», 1949, № 4, էջ 69։

1016 թ., վկայակոչում են Կեղրենոսին, Մատթեոս Ուռհայեցուն, Սմբատ Սպարապետին և Հայսմավուրբը⁵⁷։

Կեղրենոսը Արծրունիների արտագաղթի մասին խոսում է 1016 թ. հունվար ամիսը հիշատակելուց հետո՝ Այս տարեթիվը, սակայն, չեն հաստատում մյուս աղբյուրները։ Ընդհակառակը, ինչպես տեսանք, ըստ Դիվրիկի վանքի մասնատուփի արձանագրության, զահաժառանգ Դավիթը 1021 թ. նոր միայն զնում է Կոստանդնուպոլիս՝ Վասպուրականի փոխանակության շուրջ բանակցելու համար։ Անի-Շիրակի թագավոր Գագիկ Ա-ի մահից հետո (այսինքն՝ 1020 կամ 1021 թ.)⁵⁸, ինչպես գիտենք, նրա որդի Աշոտը զնում է Վասպուրական և Սենեքերիմ թագավորից օժանդակ զորք ստանում իր եղբոր՝ Հովհաննես-Սմբատի դեմ։ Մի շարք այլ աղբյուրների տվյալներից ևս, ինչպես կտեսնենք ստորև, հետևում է, որ մինչև 1021 թ. Արծրունիները գտնվել են Վասպուրականում։ Միանգամայն անընդունելի է մանավանդ Կեղրենոսի հաղորդած հունվար ամիսը։ Հայկական լեռնաշխարհի խոստաշունչ կլիմայական պայմաններում նման ձեռնարկումը տարվա այդ եղանակին կլիներ անմիտ ու կորստաբեր, մանավանդ որ այդ ժամանակ երկրում չկար ոչ թշնամու որևէ ներխուժում և ոչ էլ նրա անմիջական սպառնալիք։ Մինչդեռ զաղթին, Թովմա Արծրունու Պատմության շարունակողի վկայությամբ, մասնակցել են նաև ոչ քիչ թվով կանայք ու երեխաներ⁶⁰։

Արծրունիների արտագաղթի մասին այլ աղբյուրներում 1016 թ. վերաբերյալ տեղեկություն չունենք։

Մեզ թվում է, թե իրավացի չեն մի շարք ուսումնասիրողներ, երբ նման վկայություն են վերագրում Մատթեոս Ուռհայեցուն, Սմբատին և Հայսմավուրբին։ Իրականում այս աղբյուրներում 1016 թ. վերաբերում է Վասպուրականի վրա թուրքերի հարձակմանը և ոչ թե Արծրունիների արտագաղթին։

Ամասիայում եղած ձեռագիր երազահանից հանված մի ժամանակագրության մեջ ասված է. «Սենեքարիմայ գալն ի Սերաստիա թուին ՆԿԷ (1018)»⁶¹։ Այս ժամանակագրությունը հասնում է 1607 թ. և հավանաբար բանաբաղություն է մի աղբյուրից, որտեղ, ինչպես տեսանք մի շարք պատմիչների վկայություններից, այդ տարեթվի տակ խոսվում է ոչ թե զաղթի, այլ Վասպուրականի վրա թուրքերի հարձակման մասին։

Արխատակես Հաստիվերտցին, որը մեզ հետաքրքրող դեպքերին ժամանակակից պատմիչ է (Պատմությունն ավարտել է 1071—1072 թթ.), Արծրունիների արտագաղթի տարեթվի մասին, զժրախտաբար, անում է անորոշ վկայություն։ Նա, խոսելով Վասիլ Բ կայսեր դեմ Փոկասի որդի Նիկեիոր Մուլիդի ապստամբության և Դավիթ Արծրունու կողմից նրա սպանվելու մասին, այնուհետև հաղորդում է. «Քանզի Դավիթ որ Սենեքերիմ կոչիր՝ որ նեղեալ ի Պարսից՝ տայ զհայրենի ժառանգութիւն իւր գտունն Վասպուրականի յինքնակալն Վասիլ, և առնու փոխարէն զքաղաքն Սերաստիա և որ շուրջ զնովաւ գաւառը։

57 Միքայել Ասորին, ինչպես տեսանք, հիշատակում է Արծրունիների արտագաղթի շատ ավելի վաղ տարեթիվ՝ 1300 (— 909—950) թ., որը, սակայն, չյա այլ աղբյուրում։

58 Cedreni, հատ. 11, էջ 464։

59 Մ. Ուռհայեցու մոտ Գագիկ Ա-ի մահը սխալմամբ վերագրված է ԴՃԻ (961), իսկ Սմբատի մոտ՝ ՆԻ (971) թվականին։

60 Թ. Արծրունի, էջ 500։

61 Դիվան հայոց պատմության, գիրք Ժ, Թիֆլիս, 1912։

Եւ այսոքիկ ոչ հեռի ժամանակաւ, այլ երկու կամ երեք ամօք յառաջ զործեալսն»⁶²:

Այստեղ, ինչպես տեսնում ենք, տեքստի ակնհայտ խաթարում կա: Անտեղի է Դավթին նաև Սենեքերիմ անվանելը, որովհետև Արծրունի թագաժառանգը նման կրկնանուն չի ունեցել: Վասպուրականի փոխանակությունը, ինչպես հայտնի է, կատարել է ոչ թե Դավթը, այլ Սենեքերիմը որպես թագավոր: Ըստ Մ. Չամչյանի դա հայտնապես զրազրական վրիպակ է, մանավանդ, որ նույն պատմիչը այլ տեղում ճիշտ էլ է գրում. «Դավթի որդւոյ Սենեքերիմայ»⁶³: Վերջապես տարօրինակ է, որ Հաստիվերտցին, որպես ղեկավարին ժամանակակից պատմիչ, ստույգ տարեթվեր հաղորդելով մնացած ղեկավարի մասը, ասփոթորեն է վարվում պատմական այդ կարևոր իրադարձության տարեթվի հետ, տալով անորոշ տեղեկություն: Մի շարք պատմիչների վկայության համաձայն, ինչպես կտեսնենք ստորև, Նիկեփոր Մովսիսի ապստամբությունը տեղի է ունեցել 1022 թ. դարնանը, նշանակում է, ըստ Հաստիվերտցու, Արծրունիների արտագաղթը կատարվել է 1019 կամ 1020 թ.: Այս տարեթվերից ոչ մեկը, սակայն, չի համընկնում որևէ այլ աղբյուրի վկայության հետ:

Այժմ Արծրունիների արտագաղթի 1021 թ. մասին, որը ինչպես տեսանք, ուսումնասիրողների կողմից համարվում է ավելի հավանական ու ընդունելի տարեթիվ: Այդ կապակցությամբ սովորաբար վկայակոչվում են ու հիմք ընդունվում Թովմա Արծրունու Պատմության շարունակողի, Սամվել Անեցու վկայությունները և Սեբաստիայի շրջակայքի Դիվրիկի վանքի մասնատուփի արձանագրությունը: Արծրունիները, ասում է Թովմա Արծրունու Պատմության շարունակողը, համաձայնության եկան կայսրության հետ «...և փոխեցին զհայրենի տունսն իւրեանց Հայկազունքն Արծրունիքն Սենեքերիմ ի թուին հայկազնեան տումարին ՆՀ, (-1021) և դէմ եղեալ զնացին յաշխարհն Յունաց ԺԴԹ արամբբ, թող զկանայս և զմանկտիս. և արկան ընդ լծով ծառայութեանն Հռոմոց»⁶⁴:

Սամվել Անեցին իր ժամանակագրության մեջ Արծրունիների արտագաղթի մասին երկու տեղ է խոսում, նշելով միևնույն 1021 թ.: «ԹԲ: Ելին ազգն թուրքաց և աւերեցին զգավառն Վասպուրականի. և յոյժ նեղեալ լինէր թագաւորն նոցա Սենեքարիմ: Վասն որոյ յետ ԻԲ. ամի նեղութեան՝ ետ զաշխարհն իւր ի Վասիլ թագաւորն ի ՆԻ. թվին»: Այնուհետև. «ԹԻԳ. ի թուին հայոց ՆՀ. ետ Սենեքարիմ զիւր թէմն ի Վասիլն՝ և էառ զՍևաստ իւր թեմօքն»⁶⁵:

Այս երկու պատմիչների վկայությունների ուշադիր ուսումնասիրությունը, սակայն, ցույց է տալիս, որ նրանց հիշատակած 1021 թ. իր մեջ բովանդակում է փոխանակության իմաստ և Արծրունիների արտագաղթին բնավ չի վերաբերում: Թովմա Արծրունու Պատմության շարունակողը, ինչպես տեսնում ենք, ասում է, որ «փոխեցին ...ի թուին հայկազնեան տումարին ՆՀ», ապա նոր, թե նրանք «զնացին»: Եթե պատմիչի նշված տարեթիվը վերաբերեր թե՛ փոխելուն և թե՛ զնալուն, ապա, մեզ թվում է, նա պետք է «զնացին» բառը ևս ղեներ տա-

⁶² Ա. Հաստիվերտցի, էջ 20:

⁶³ Մ. Չամչյան, հատ. Բ, էջ 1041:

⁶⁴ Թ. Արծրունի, էջ 300. Ըստ Գ. Շլյուսյերսի հայոց 470 (=ՆՀ) թվականը 1021 թ. մարտի 16-ն է կամ 1022 թ. մարտի 18-ը (L'Épopée Byzantine à la fin du dixième siècle, հատ. III, էջ 307, ծան. 1):

⁶⁵ Ս. Անեցի, էջ 104—105:

ռեթիվը հիշատակելուց առաջ, ասելով՝ «փոխեցին զհայրենի տունսն իւրեանց և գնացին Հայկազունքն Արծրունիքն Սենեքերիմ յաշխարհն Յունաց ի թուին հայկազնեան տումարին նշ»:

Սամվել Անեցին ևս, ինչպես տեսնում ենք, երկու տեղում էլ խոսում է 1021 թ. Սենեքերիմի կողմից Վասպուրականը կայսրին տալու և ոչ թե Արծրունիների գաղթելու մասին: Ուստի սխալվում է Մ. Օրմանյանը, երբ գրում է, թե Սամվել Անեցու հիշատակած այդ թվականը վերաբերում է Սենեքերիմի տեղափոխությանը⁶⁶: Մեզ թվում է, որ երկու պատմիչների հիշատակած 1021 թ. վերաբերում է սոսկ Վասպուրականի փոխանակության համաձայնագիր կնքելուն և ոչ թե նաև գաղթին: Նույն իմաստն ունի նաև Դիվրիկի վանքի մասնատուփի վրայի արձանագրությունը:

Վերջապես, ուսումնասիրողներից ոմանք, ինչպես ասացինք, Արծրունիների արտագաղթը վերագրում են 1022 թ., սակայն առանց վերջինս հաստատող որևէ փաստ նշելու: Նախօրոք ասենք, որ մեր պրպտումների հետևանքով միանգամայն արժանահավատ ու վստահելի աղբյուրներից ձևոք բերած համապատասխան տվյալները համոզիչ կերպով խոսում են այդ տարեթվի օգտին:

XI դարի արար պատմիչ Յահյա Անտիոքացուց մեզ է հասել նրա կազմած տարեգրության մի մասը, որտեղ պատմությունն ավարտվում է 1031 թ.: Ընթացում են, որ նա պատմությունը պետք է հասցրած լինի մինչև իր կյանքի վերջը՝ 1066 թ.⁶⁷: Տարեգրությունը կազմելիս նա օգտվել է արաբական, հունական աղբյուրներից և եկեղեցական արխիվային փաստաթղթերից: Յահյայի մոտ եղած պատմական ու ժամանակագրական փաստերը ստույգ են և, ինչպես ակադ. Ֆ. Ի. Ուսպենսկին էլ է հաստատում, պատմական քննադատական միտքը ամենայն վստահությամբ նրա հաղորդած տվյալներին կարող է հաճախ առաջնություն տալ ավելի ուշ շրջանի գրողների տեղեկությունների նկատմամբ⁶⁸:

Վասիլ Բ կայսրը. բոլոր Յահյա Անտիոքացու, ջախջախում է Բյուզանդիայի դեմ ապստամբած արխագ-վրացական թագավոր Դեոբգիին և հրի ու սրի մատնում Քուռ գետից հարավ ընկած նրա բոլոր գավառները: «Ձմեռը մոտեցավ,— ասում է նույն պատմիչը,— և Վասիլ կայսրը գնաց Տրապիզոն, որպեսզի զորքը ձմռանն այնտեղ անցկացնի, իսկ հետո կրկին վերադառնա արշավանքի: Եվ այդ ժամանակ Սենահարբը (Սենեքերիմը— Վ. Բ.)՝ Ասպրականի (Վասպուրականի— Վ. Բ.) թագավորը տվեց իր բոլոր բերդերը, հողերը և ամբողջ ասպրականյան երկիրը Վասիլ կայսրին»⁶⁹:

Հետ Յահյայի այդպիսով, Սենեքերիմը Վասպուրականը զիջել է Վասիլ Բ-ին ու գաղթել Բյուզանդիա այն ժամանակ, երբ կայսրը գտնվել է Տրապիզոնում: Վասիլ Բ-ն, պատմիչների վկայությամբ, Կոստանդնուպոլսից արևելք՝ արխագ-վրացական ապստամբների դեմ է եկել 1021 թ. զարնան կամ ամռան վերջին, որովհետև, ինչպես տեսանք, ապստամբների դեմ մինչ ձմռան սկսվելը նա զորքով է երևել կամ վեց ամիս⁷⁰: Յահյա Անտիոքացու տարեգրության թարգ-

⁶⁶ Մ. Օրմանյան, Ազգապատում, Պոլիս, 1912, էջ 1198:

⁶⁷ Փ. Մ. Մսпенский, Император Василий Болгаробойца, ЖМНП, апрель, 1884, էջ 285:

⁶⁸ Նույն տեղում, էջ 305:

⁶⁹ Մ. Ա. Антиохинский, էջ 62:

⁷⁰ Ա. Լաստիվերտցի, էջ 11, 16. «Տեսիլ սր վարդապետին Յոհաննիսի՝ որ մականունն Կոզեռն կոչի», էջ 19: Մ. Սենահայցի, էջ 49: Սմրատ, էջ 28: «Источники грузинских Летописей. Три хроники» (пер. с груз., Е. С. Такаишвили), էջ 101—102:

մանիչ ակադ. Վ. Ռ. Ռոզենի ասելով, արաբ պատմիչի հիշատակած ձմեռը ակնկարծելով 1021—1022 թթ. ձմեռն է⁷¹, եվ իրոք, երբ Վասիլը, գտնվելով Տրապիզոնում, նավատորմ է կազմակերպում Արխագիա արշավելու համար, Փոքր Ասիայում ծագում է ապստամբություն նիկեփոր Քսիֆիի և Վարդ Փոկասի որդի նիկեփոր Մովիզի ղեկավարությամբ: Շուտով Քսիֆին դավադրաբար սպասուում է Մովիզին. «եվ դա եղավ,— ասում է Յահյան,— Աստվածածնի վերափոխման օրը, այսինքն 413 թ. Ջումադի 1 14-ին (1022 թ. օգոստոսի 15-ին)⁷²»:

Մովիզի սպանությունը 1022 թ. են հիշատակում նաև հայկական աղբյուրներ⁷³:

Արիստակես Հաստիվերտցին ասում է. «Իսկ ինքնակալն (այսինքն՝ Վասիլ Բ կայսրը— Վ. Ի.) զձմեռոցսն ի գլուխ հանեալ ի մարմանդսն Պոնդոսի, ի հասանել զարնանարեր ժամանակին, խաղայ դարձեալ նոյն հետայն ի վերայ Տայոց. և անցեալ ընդ բազում օթեանօք՝ զայ բնակի ի զավառն Բասենոյ»: Նույն պատմիչի ասելով, այդ ժամանակ տեղի է ունենում նիկեփոր Մովիզի ապստամբությունը, որին սկզբում միանում է Դավիթ Արժրունին, բայց այնուհետև նա դավադրաբար սպանում է Մովիզին⁷⁴: Այս հանգամանքը հաստատում են նաև այլ պատմիչներ⁷⁵: Ուրեմն Արժրունիները 1022 թ. «ի հասանել զարնանարեր ժամանակին» արդեն Սեբաստիայում էին:

Ակադ. Վ. Ռ. Ռոզենի կարծիքով անկասկած են Յահյա Անտիոքացու առկայությունը, ըստ որոնց Վասպուրականի զիջումը կայսրությանը տեղի է ունեցել 1021 թ. վերջին կամ 1022 թ. սկզբին⁷⁶: Ծիշտ է վերջինը, որովհետև եթե փոխանակության բանակցությունները, ինչպես տեսանք, տեղի են ունեցել 1021 թ. առաջին կեսին, իսկ Վասպուրականի բուն հանձնումը՝ Վասիլ Բ-ի Տրապիզոնում գտնվելու ժամանակ (1021 թ. դեկտեմբեր — 1022 թ. փետրվար). սպա Արժրունիների զաղթը Բյուզանդիա կարող էր տեղի ունենալ 1022 թ. ձմռան վերջին կամ ավելի ձիշտ՝ զարնան սկզբին:

Գրիգոր Ակոռեցու Սեբաստիայում գրած ավետարանի հիշատակարանը (1066 թ.) հաստատում է Վասպուրականից Սեբաստիա տարվա այդ եղանակին Արժրունիների արտագաղթի փաստը: «Ըս, — գրել է նա, — Գրիգոր քահանայ ի նուազել ազգիս շայոց ի ժամանակի հալածանաց մերոց յազգէն Իսմայելի, սահանայք ի կողմանց արեւելից ի լերանցն Այրարատա՝ ի գեղջէն, որ կոչի Արկոռի, զկնի աստուածասէր քաղաւորին մերոյ Սեմեմեմիմայ⁷⁷, եկեալ բնակեցաք ի քաղաքիս Սեբաստիա, ուր քառասուն վկայքն հեղին զարինս իւրեանց, մարտ եկեալ⁷⁸ ընդ աւղոյ դառնաշունչ և ընդ սառլնամանեաց ջրոյ, և անդէն զկնի

⁷¹ В. Р. Розен, Император Василий Болгаробойца, էջ 373, ծան. 373:

⁷² Яхя Антиохийский, էջ 64:

⁷³ Ա. Հաստիվերտցի, էջ 18—21. Մ. Ուռհայեցի, էջ 50—51. Սմբատ, էջ 30 և ավել:

⁷⁴ Ա. Հաստիվերտցի, էջ 18, 20, 21:

⁷⁵ Մ. Ուռհայեցի, էջ 51. Սմբատ, էջ 30:

⁷⁶ В. Р. Розен, սչգ., աշխ., էջ 377, ծան. 373:

⁷⁷ Ըստ ակադ. Հ. Աճառյանի. Գրիգոր քահանան Այրարատի Ակոռի գյուղից Սեբաստիա է գաղթել Վասպուրականի Սենեքերիմ թագավորի հետ (սչայոց սենեանունների բառարան, հատ. Ա, էջ 551—552):

⁷⁸ Պետք է լինի՝ «մարտ եղեալ»:

ամաց հնգից վախճանէր բազմաշնորհ և մեծապատիւ հայրն իմ Անանիա քահանա ի թագաւորական քաղաքին ի Բիւղանդիոն»⁷⁹ (ընդգծումը մերն է—Վ. Ի.):

Դա 1022 թ. էր, երբ Արծրունիները, լքելով Վասպուրականը, գաղթել են Սեբաստիա: Այդ տեսակետից վերին աստիճանի ուղադրով են Սեբաստիայի Եվդոկիա զավառի Պիղերի մոտ գտնված Ոսկերերան (առաջ՝ Ս. Նշան կամ Ս. Խաչ) վանքի երկու արձանագրութիւնները:

«ՍԵՆԵՔԵՐԻՄ ԱՐՔԱՅ ՀԱՅՈՑ ՄԵՄԱՑ ԵՆ ԵՒ ՇԻՆԵԱՑ ՏԱՃԱՐՍ...
Ն Հ Ա (1022)»:

այնուհետև՝

«ԿԱՆԳՆԵՑԱԻ
ՈՐ. ԽԱԶՍ
ՍՐ. ՆՇԱՆԻ
ՀԱՆԳԵԱԻ ԱՐԾՐՈՒՆԻ
ՍԵՆԵՔԵՐԻՄ ԱՐՔԱՅ
Ի ԹՎԻՆ ՀԱՅՈՑ
Ն Հ Ե (1026)»⁸⁰:

Ըստ այս արձանագրութիւնների, ուրեմն, Սենեքերիմ Արծրունին Բյուզանդիա է եկել 1022 թ. և մահացել է 1026 թ., այսինքն՝ Սեբաստիայում նրա թագավորելու տարիներն են 1022—1026 թթ.:

Այս արձանագրութիւնները, որոնց հաղորդած տվյալների արժանահավատ լինելը կասկածի ենթակա չէ, համոզիչ կերպով ասում են այն մասին, որ Արծրունիները Վասպուրականից Սեբաստիա են գաղթել 1022 թ.:

О ПЕРЕСЕЛЕНИИ АРЦРУНИДОВ

В. К. ИСКАНЯН

(Р е з ю м е)

До настоящего времени в историографии не установлена точная дата переселения Арцрунидов в Византию, а причины этого переселения многими историками толковались и оценивались весьма односторонне.

Путем анализа первоисточников в статье показывается, что переселение Арцрунидов было следствием нашествия турок на Васпуракан, с одной стороны, и развивающейся византийской экспансии — с другой. Этому способствовала также феодальная раздробленность страны. Переговоры между Византией и Арцрунидами по вопросу об обмене Васпуракана проводились в Константинополе в 1021 г., а переселение в Себастию имело место в 1022 г.

⁷⁹ Գ ա ո լ զ ի ն Ա կ ա թ ո ղ ի կ ո ս, Յ իշատակարանը ձեռագրաց, հատ. Ա, էջ 248—249:

⁸⁰ Տե՛ս Արշակ Ա լ ա ղ ո յ ա ճ յ ա ն, Պատմութիւն Եվդոկիո Հայոց, Գահիրե, 1952, էջ 167—168: